

王文公文集

十一

王右軍集

卷一

王文公文集卷第五十二

律詩

和御製賞花釣魚

和沖卿雪霽紫宸朝

和沖卿集禧觀齋祠

和吳相公東府偶成

和蔡樞密西府書事

和蔡樞密平戎慶捷

和蔡樞密種山藥法

和微之重感南唐事

和吳御史臨淮感事

和金陵懷古

和陳輔金陵書事

和微之秋浦望齊山

和仲庶池州齊山圖

和微之林亭

和祖擇之登紫微閣二首

和正叔懷其兄草堂

和懷瀾樓讀書之樂

和仲庶夜過新開湖

和韓子華齋居晚興

和平甫春日

和錢學士喜雪

晚興和吳冲卿學士

秋興和冲卿

和天隲竹冠見贈四首

和文淑盆浦見寄

和王司封會同年

和平甫寄陳正叔

和郭功甫

和文淑

和張仲通憶鍾陵四首

和張仲通見寄三絕

和刁景純三絕句

和舍弟舟上示道原

和僧惠岑遊醴泉觀

和惠思聞蟬

和惠思歲二日二絕

和淨因有作

和寂照庵僧雲渺

和御製賞花釣魚

蔭幄晴雲拂曉開
傳呼仙仗九天來
披香殿上留朱輦
太液池邊送玉杯
宿檠暖含風浩蕩
戲鱗清映日徘徊
宸章獨與春爭麗
恩許賡歌豈易陪

和吳沖卿雪霽紫宸朝

虎士開閭闔
鷄人唱九霄
雲移銀闕角
日轉玉廊腰
箒動川收潦
靴鳴海上潮
舞袍沾宿潤
拜笏擁殘飄
賜飲人何樂
歸嘶馬亦嬌
低回但忘食
吟詠得逍遙

和吳沖卿集禧齋祠

緘封祝辭密占寫御名真帝坐遙臨物星圖
俯映人風含煙外節月點霧中茵沈藿升煙
遠槐檀取燎新羽衣歸寂寞金鰲立逡巡却
想來時路還疑隔一塵

和吳相公東府偶成

承華往歲幸躊躇風月清談接緒餘並轡趁
朝今已老連牆得屋喜如初誅茅我夢江皋
地澆薤公思洛水渠歛退故應容拙者先營
環堵祭牢蔬

和蔡樞密孟夏日西府書事

宮闕初晴氣象饒寶車攢轂會東朝重輪慶
自離明發內壤陰隨解澤銷賜篚外廷紛錦
繡燕庖中禁續薪樵聯翩入賀知君意咫尺
威顏不隔霄

和蔡副樞賀平戎慶捷

城郭名王據兩陲軍前一日送降旗羗兵自
此無傳箭漢甲如今不解累幕府上功聯舊
伐朝廷稱慶具新儀國家道泰西戎喙還見
詩人詠串夷

無射更和蔡樞密南都種山藥法

區種拋來六七年春風條蔓想宛延難追老
圃莓苔徑空對珍盤玳瑁筵嘉種忽傳河右
壤靈苗更長闕西偏故畦穿斲知何日南望
鍾山一慨然

和微之重感南唐事

叔寶傾陳衍弊梁可嗟曾不見興亡齋祠父
子終身費酣詠君臣舉國荒南狩皖山非故
地北師淮水失名王天移四海歸真主誰誘
昏童肯用長

和吳御史臨淮感事

柵鎖城扉曉一開
拖牙車軸轉成雷
黃塵欲礙龜山出
白浪空分汴水來
澄觀有材邀昧陋
霽雲無力報奸回
騷人此日追前事
悲氣隨風動管灰

和金陵懷古

懷鄉訪古事悠悠
獨上江城滿目秋
一鳥帶煙來別渚
數帆和雨下歸舟
蕭蕭暮吹驚紅葉
慘慘寒雲壓舊樓
故國淒涼誰與問
人心無復更風流

和陳輔秀才金陵書事

南郭先生比鷓鴣年年過我未愆期休論王
謝當時事大抵烏衣祇舊時

和王微之秋浦望齊山感李太白杜
牧之

齊山置酒菊花開秋浦聞猿江上哀此地流
傳空筆墨昔人埋沒已蒿萊平生志業無高
論末世篇章有逸才尚得使君驅五馬與尋
陳迹久徘徊

和仲庶池州齊山圖

省中何忽有崔嵬六幅生綃坐上開指點便
知巖石處登臨新作使君來雅懷重向丹青
得勝勢兼隨翰墨回更想杜郎詩在眼一江
春雪下離堆

和微之林亭

爲有檀欒占雒陽憶歸杖策此徜徉觀魚得
意還知樂入鳥忘機肯亂行未敢許君輕去
國不應如我謾爲郎中園日涉非無趣保此
千鍾慰北堂

和祖擇之登紫微閣二首

漠漠秋陰護掖垣青雲只在兩楹間宮樓唱
罷鷄人遠門闕朝歸虎士閑華蓋北瞻天帝
座蓬萊東想道家山却慙以此隨諸彥文采
初無豹一班

二

掖門相對敞銅鑲轡轡飛夢在兩間潤色平
生知地禁登臨此日愧身閑浮雲倒影移窻
隙落木回飈動屋山忽憶初來秋尚早紫微
花點綠苔班

和正叔懷其兄草堂

文集卷之三
卷之三
茹堂竹樹水之濱耕稼逍遙似子真小吏一
身今倦宦先生三畝獨安貧欲拋縣印辭黃
綬來伴山冠戴白綸祇恐明時收士急不容
家有兩閑人

和君叔懷瀟樓讀書之樂

志食長年不得休一巢無地拙於鳩聊爲薄
宦容身者能免高人笑我不道德文章吾事
落塵埃波浪此生浮看君別後行藏意回顧
瀟樓祇自羞

和仲庶夜過新開湖憶冲之仲涂共泛

水遠浮秋色河空洗夜氛行隨一明月坐失
兩孤雲露髮此時濕風顏何處醺淹留各有
趣不比漢三君

白樂天有二處
成孤雲之句

和韓子華齋居晚興

齋禁雖嚴異太常蕭然高詠意何長煙含欲
暝宮庭紫日映新秋省闈黃壯節易摧行踽
踽華年相背去堂堂追攀坐歎風塵隔空聽
釣天夢帝鄉

和平甫春日

溪谷濺濺嫩水通野田高下綠蒙茸和風滿

樹笙簧雜霽雪魚山粉黛重萬里有家歸尚
隔一塵無地去何從傷春政欲西南望回首
荒城已暮鍾

和錢學士喜雪

手把詩翁憶雪詩坐愁窮海瘴煙霏誰令天
上蒼茫合忽見空中散漫飛閭闔與風生氣
勢常娥交月借光輝山鵲瑟縮相依立邑犬
跳梁未肯歸點綴丘園榮樹木埋藏溝澮亂
封圻高歌業已傳都市逸興何當叩隱扉頗
欲携樽邀使騎幾忘溫席薦親闈公今早晚

班春去強勸勞田補歲饑

晚興和冲卿學士

剌剌風生晚娟娟月上初白沙眠綠驥清浪
浴鱣魚竟欲從君飲猶便讀我書斜陽不到
處墻角樹扶疎

秋興和冲卿

雲浮朝慘淡風起夜颼颼欲作冰霜地先迴
草樹秋征人倚笛愁思婦向砧愁爲問隨陽
鴈哀鳴豈有求

和耿天隲以竹冠見贈四首